



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二三八

孟鄰堂文鈔十六卷 楊椿撰

一

竹素園詩鈔八卷 許廷鑠撰

二二七

麻山遺集二卷補編一卷 孫學顏撰

三一九

鄂文端公遺稿六卷 鄂爾泰撰

三六三

未篩集不分卷 釋超源撰

四三一

曉亭詩鈔四卷 塞爾赫撰

四五—

賜書堂集十卷（詩稿四卷文稿六卷） 翁照撰

五七七

朱石君先生鑒定

孟鄰堂文鈔

紅梅閣藏板

孟先生四世清華一家先後入翰林者凡七人先生獨以經史之

學迪前昌後海內推文獻者必曰

先生珪生也晚選館時先生已登大年不獲親炙其光輝幸從長君二思先生稱後進同官講讀得其緒論心嚮往之而未窺其全集

序

也今年春先生之孫觀察君自鳳陽守擢荆宜監司瀕行出所藏孟隣堂文鈔示予請為序曰將以授梓珪乃得盡讀先生之文見其與館閣諸公辯論史志侃侃不阿與齊次風先生論周禮貫弗精覈及經考史論數十篇皆卓然蘊涵正

出非本原深厚烏能賡之汨之沛
乎若決江河而東注也惠帝論言
宦寺之既易儲論辯忠肅之不諫
尤具知人論世之識可為作史者
法其他旌淵闡幽之作皆徵實可
傳然則先生之學其不愧古之立
言者歟豈徒以般輦悅蟲篆之詞為
序

二

世禪雕龍者誇其焜耀哉
乾隆五十九年五月初八日芒種
節館後進大興朱珪謹序



吾郡之以古文名者自唐襄文後如邵子湘董文友
諸君繼起不乏而近時耳熱而心儀尤在農先先生
與蔣東委先生兩家之作讀孟居文既於乾隆戊申
序之矣而孟鄰堂文則數十年來未得一讀耿耿至
今今春先生曾孫通守魯生函其全帙從浙中寄示
且索弁言因留案頭詳為讐勘然後歎先生之學之
於經史深也先生於易詩書春秋三禮多所譏述而
雅不好周禮以為國家之病莫甚於好貨是書天官
地官之屬以掌貨財為職幾於無地不賦無物不貢
無人不征疑出於文種李悝吳起申不害之徒故王
孟鄰堂文鈔

序

一

莽用之而一敗王安石用之而再敗嘗與齊侍郎召
南論周禮往復十餘書不倦於史則有明一代尤為
貫弗其論惠帝也謂燕王之反與漢七國類而不類
明祖於年盛諸王分之以茅土命之以節制賜之以
衛士給之以甲兵及其既崩人人有帝制自為之意
則靖難之師咎不在惠帝并不必罪燕王直洪武中
練軍將兵之制誤之又皇親國戚法司毋得擅逮終
明之世親王有事祇遣內官則內官逮燕王同謀亦
非惠帝之過也太宗實錄言帝倚信閹豎說非無自
然中官出使暴橫因帝懲之遂密戴燕王許為內應

促其引兵南下宦官之橫洪武時已然特明祖法嚴而能斷故不敢甚肆惠帝寬斯禍結不解燕王以其忠於己也益加委任子孫奉爲成憲雖偶有誅譴而威柄旣遷不可復收馴至於亡而後已况文皇清宮內官多誅死唯得罪於帝者留則誅死內官必皆不貳心者又謂帝文武諸臣未可輕議實錄多史臣粉飾之辭其論英宗景帝也謂景帝英明非比子圉忠肅之忠過於呂卻若景帝如王直言卑辭厚禮遣使請和則徒博迎復之虛名必受議和之實禍又謂林聰盛景將言朝賀事葉盛云今上孝友上皇盛德兩

孟鄰堂文鈔

二

官帖然安靜若益以言恐涉衆易疑無中生有若從盛言豈有奪門之禍於奪門則以祝允明蘇材小纂爲謬而深辨銅南宮之誣至於易儲之說世多深咎忠肅不知人主骨肉之間豈臣子能預從諫如漢高而欲廢惠帝立趙王大臣諫諍不能得留侯亦僅以計沮之耳漢景廢栗太子爲臨江王竇嬰以太后從子爲之傳數爭亦不聽惠帝趙王皆漢高子臨江武帝皆漢景子尙溺情廢立矧懷獻爲景帝子憲宗爲景帝兄子乎忠肅雖號得君所言亦有不盡從者况東宮之廢立乎其不爲苟同而論務持平如此自餘

諸文必皆準乎事理然後立言可以信今而傳後蓋邵董規仿古人或未盡離窠曰先生則空所依傍辭必已出蔣氏雖治孟子但取其法度周密先生治經則必究其是非得失豈不卓然爲吾郡之文之冠哉懷玉不敏老而且病幸能卒業是編遂不辭爲之序并采其畧著於篇通守其速畀剗剗以竟前人未竟之志且使學者勿漫讀經史而遽思操管也嘉慶二十三年九月同里後學趙懷玉力疾拜序

孟鄰堂文鈔

三

清代詩文集彙編

四

孟鄰堂文鈔目次

武進楊 椿農先氏著 曾孫魯生校字

卷之一

奉

旨恭擬雍正

寶座銘

奉

旨恭擬

聖諭廣訓重農桑以足衣食

南巡雅

孟鄰堂文鈔

目次

平青海雅

藉田頌

詣學頌

七政同宮頌

河清頌

皇太后六旬萬壽頌

天保九如頌

途次見聞摺子

經義摺子

卷之二

上一統志館總裁書 再上一統志館總裁書

上明史館總裁書 上明鑑綱目館總裁書

再上綱目館總裁書 與實錄館提調書

與明史館纂修吳子瑞書

重與吳子瑞書

卷之三

惠帝論一 惠帝論二

惠帝論三 成祖論一

成祖論二 成祖論三

成祖論四

孟鄰堂文鈔

目次

卷之四

迎復論一 迎復論二

迎復論三 羣臣朝上皇論

易儲論 復儲論

錫南宮論 奪門論

南宮書法論 新舊唐書異同考

卷之五

周易考序 周易考後序

尚書考序 古文尚書考序

毛詩考序 毛詩考後序

春秋考序	春秋考後序
周禮考序	周禮考後序一
周禮考後序二	儀禮考序
禮記考序	大戴禮考序
大戴禮考後序	毛詩訂詁序
春秋大事表序	春秋輿圖解序
卷之六	
說卦考	伏書篇數考
孔書篇數考	堯典諸篇異同考
盤庚考一	盤庚考二
孟鄰堂文鈔	目次
盤庚考三	泰誓考
武成考	讀書
讀論語	讀孝經
儒林傳經文非伏書辨	伏書非口授辨
孔書非壁藏辨	漢儒不見古文尙書辨
孔安國書傳辨	
卷之七	
數往知來說	克明俊德說
朋自遠來說	君使臣以禮說
孔顏樂處說	鄭聲淫說

賦詩卽歌詩說	九族論一
六宗論	三江論
導山論	文侯之命論
秦誓論	
卷之八	
二南論	關雎三詩論
鵲巢三詩論	王及十一國詩論
秦無衣詩論一	秦無衣詩論二
商頌論	崧高詩論一
崧高詩論二	商頌論一
孟鄰堂文鈔	目次
商頌論二	刪詩論
四始六義論	詩皆入樂論
卷之九	
與齊次風論周禮書一	與齊次風論周禮書二
與齊次風論周禮書三	與齊次風論周禮書四
與齊次風論周禮書五	與齊次風論周禮書六
與齊次風論周禮書七	與齊次風論周禮書八
與齊次風論周禮書九	與齊次風論周禮書十
與齊次風論周禮書十	與齊次風論周禮書十一
與齊次風論明堂書	與齊次風論越絺書

答蔣東委論春秋書

卷之十

答顧震滄書

與蔣涑謫論生民書

答錢甥忠游問禘祫書

答錢忠游問明堂書

答沈毓堯書

答方勉仁書

與某書

與鄒會侯書

答王某書

寄族父龍門敦諭書

與從子嗣曾書

卷之十一

湯文正公傳

徐僉事傳

孟鄰堂文鈔

目次

五

韓氏三節母傳

傳節母傳

賀貞女傳

附蔣東委書賀貞女傳後

湯文正公年譜序

劉氏族譜序

卷之十二

高安朱公六十壽序

蔚岡劉公七十壽序

懸水吳公七十壽序

于岸齋八十壽序

貴州王翁七十雙壽序

外姑范宜人壽序

外姑范恭人八十壽序

蔣母曹太夫人八十壽序

胡母章孺人五十壽序

沈母范孺人五十壽序

少保楊清端公墓志銘

尙書唐公墓志銘

黃母吳太夫人墓志銘 徐室陳少君墓志銘

卷之十三

祭太傅鄂文端公文

祭舒穆魯氏文定公文

祭太子太傅楊文定公文

祭趙恭毅公文

祭少保楊清端公文

祭姚贊善文

祭湯學士文

祭姚贊善文

祭外舅沈學士文

與劉岡陵書

與唐彥純書

寄姑丈曹星客書

與蔣東委書

與舒殿臣書

答狄甥司載書

答沈渭梁書

孟鄰堂文鈔

目次

六

附蔣東委書後

跋趙襄忠公奏疏存稿後

保素堂詩集序

菰米山房詩鈔序

濟寧州杜祠詩序

過浙吟序

送徐編修出使流求序

送玉泉九峯之軍營序

送吳雨皐之任偃師序

送石谷王山人序

卷之十四

關西書院碑

完顏氏家廟碑

德門壽母墓碑

河源記

附讀河源記書後

江源記

楚雄府定邊縣學記

順德書院殘碑記

雲溪草堂圖記

衢州府志小序

疆里圖

山川圖

學官圖

聖廟圖

府官表

縣官表

學官表

庶官表

戶口考

貢權考

郵政考

兵防考

藝文考

忠義傳

方伎傳

列女傳

曾氏像贊二首

虎子圖贊

孟鄰堂文鈔

目次

七

座右箴

杖銘

自題小照

卷之十五

楊氏家傳

楊氏內傳

書高祖母家訓後

修撰公遺事記

孟鄰堂記

族祖父衢州公傳

卷之十六

伯兄遂根先生墓志銘

仲兄古度先生墓志銘

四弟乘萬墓志銘

六弟日乾墓志銘

五弟汝獲墓志銘

亡室沈淑人墓志銘

單縣知縣立誠墓志銘

李孺人旌節碑銘

亡姊呂節婦墓表

邑廩生錢學聖先生狀

楊氏節婦傳

楊氏節女傳

焚黃告墓文

考妣焚黃告文

亡室沈氏焚黃告文

舉從子稷告廟文

長男授職告廟文

長男授職告亡室文

孟鄰堂文鈔

目次

八

孟鄰堂文鈔目

孟鄰堂文鈔卷之一

武進楊椿農先氏著 曾孫魯生校字

奉

旨恭擬雍正

寶座銘 限一百字

皇矣

聖祖繼天立極蕩蕩巍巍君師之則伊余承序夙夜兢兢仰惟謨烈昭垂日星孰爾易泄孰遠易忘宏綱曷舉衆目曷張民協于中何以制之天休滋至何由致之

孟鄰堂文鈔 卷一 耕種

聖祖在上四方在下一日萬幾敢逸敢暇尙其勉之

寅畏作所以保我赤子以續我

宗緒

奉

旨恭擬

聖諭廣訓

重農桑以足衣食 限字六百外六百五十內

朕聞養民之本在於衣食農桑者衣食所由出也虞書咨十有二牧食哉惟時箕子陳洪範次三曰農用八政蓋未有足衣食而不先重農桑者也周禮大司

徒辨五物而施其教職方氏掌天下之圖紀九州之穀其於五種尤詳是薄海內外無不可耕之土特其所宜異耳禹貢六州俱篚織絲冀梁雍三州無之今考文王治岐樹牆下以桑匹婦蠶之秦漢之際燕代田畜而事蠶三國時成都錦獨妙魏市於蜀吳亦資焉則知三州無篚蓋雍梁有織皮冀州不用貢耳非桑有宜有不宜也班固食貨志種穀必雜五種以備災害田中不得有樹用妨五穀還廬樹桑春將出民平旦里胥坐於右塾鄰長坐於左塾畢出然後歸夕亦如之冬民既入婦人同巷相從夜績女工一月得

孟鄰堂文鈔 卷一 重農桑以足衣食 工

四十五日必相從者所以省費而同巧拙四十五日者一月中又得夜半爲十五日也其重如此其衣食未有不不足者矣鼂錯云人情一日不再食則飢終歲不製衣則寒賈誼曰一夫不耕或受之飢一女不織或受之寒華嚴云吏士之家子女多者三四少者一二通令戶有一女十萬戶則十萬人織績一歲一東則十萬束矣高允云方一里爲田三頃七十畝百里則田三萬七千頃勤之畝益三升不勤畝損三升方百里損益之率爲粟二百二十二萬斛使天下之農盡明高允之言則其耕必力而農可以有餘粟桑

者盡明華敷之言則其纖必勤而女可以有餘帛農
有餘粟女有餘帛又安有飢寒之患如鼃買所慮者
乎朕聞耐旱之稻出自占城木棉之種來於天竺皆
上古所無後世始得之者此又可備農桑之用廣衣
食之源者也朕侍

皇考聖祖仁皇帝之日久見我

皇考留心民事

敕諭諄諄常刊耕織圖頒行中外所以敦本阜民者
甚至朕承丕緒夙夜乾乾仰惟

聖論不敢不遵民依不可不急是用特爲詮解布之

孟鄰堂文鈔
卷一
南巡雅

南巡雅

臣椿頓首頓首上言伏惟

皇帝陛下卽位四十四年東巡烏喇西幸甘寧南至
會稽北過瀚海今復相度河工五臨吳會蓋自詩書
所載虞周以來濬川翕河之盛未有勤於

陛下者矣臣謹按虞書教胄子詩言志禮記天子巡
狩命太師陳詩以觀民風國子監生也世受

國恩末由報稱茲當

陛下南巡三吳多士踴躍鼓舞著爲聲詩以歌詠

陛下功德臣誠不才筆墨之事竊亦嘗有志焉謹不
揣固陋爲

南巡雅十章雖辭義淺薄不敢附詩人之後然情事
顯切亦足當夏時一遊一豫之諺焉爾臣椿謹拜手
稽首以獻

春風融融春水溶溶

皇于時邁以乘六龍豈不好自逸日田功是卽夙夜
懂于心其敢子于釋

帝謂公卿及爾庶士無擾我氓我氓我子戒其卒曹
以戢爾寮以長我稷黍以安我機杼

孟鄰堂文鈔
卷一
南巡雅
四
丞徒藹藹綿纒有綺旣鼓迺楫于汶于濟禾麥芬芬

婦子欣欣東作穰穰

皇心式獎

瞻彼飛鴻亦集于澤昔爾播遷誰從莫爾宅無日今
安矣以忘厥先愧愓業業庶無有後艱

湖水泚泚其直如駛河水洋洋其流孔長

帝敷下土方既謹旣詳區畫旣臧俾民卒寧

民既寧矣

聖謨孔彰曰疏而疏曰防而防相其淺深度其土疆

俾萬有千歲河伯以無害

迺翼迺迺迺于揚金山蒼蒼江水湯湯望

君之來疇不懷哉

君既來止民心載喜

人亦有言終南紀堂以彼列辟尙詠于章臺臺

天子覆育煦嫗不矜其容有藹其語

有藹其語以惠下民民之見之如歲斯春喈喈鳥鳴

萋萋草萌凡有蠕動無不效情

君子之德日用飲食先此九州御于四極相彼泮林

載好其音作此雅詩以比衡吟

平青海雅

五

皇帝嗣無疆大愿服爲億兆生民主四方萬國罔不

率從元年夏六月青海羅卜藏丹金與其黨阿立布

坦吹喇克納木齊等逆命西陲

皇帝遣侍郎常壽前往諭之將軍岳鍾琪軍西寧以

俟冬十一月丹金犯我南北川又犯我鎮寧堡我兵

三敗之降其衆數百萬明年春二月壬子鍾琪奉

皇帝旨引兵出塞丙寅至柴打木俘舟金母及逆黨

以下萬餘人盡獲其車輜畜產丹金從五六人和衣

遠遁青海遂平三月乙亥朔鍾琪班師越五日己卯

捷聞臣聞之詩出車美西伐也四章曰昔我往矣黍

稷方華今我來思雨雪載塗夫黍華而往雨雪而歸

昔人尙歌之以爲盛事今我

皇帝不十五日蕩平青海用武之神視古殆百過之

誠宜播諸聲詩不顯無前之偉烈臣椿不自揆恭撰

平青海雅八章謹拜手稽首以獻

於赫我

皇惠茲西海命將徂征桓桓其旅爰造于祖爰宜于

社右之左之無不共者

皇謂帥臣汝師于邊式和爾軍以徠遠人甘松高高

挑水滔滔我撫我招我弓是彘

五

弓既鑿只彼昏卒狂奮其鴟張輕蹈我疆勝之兩川

師武之力師武之力惟

皇之德

皇德彰只我武孔揚青海茫茫我

天子是疆乃震乃懾乃伐乃克我敵則劉我降伊釋

其降既多或詠或歌攜厥耆耆極負安安煦之育之

天子輯之百萬之衆一朝納之

烏蘭之西噶斯之北是巢是窟是傾是陪同惡磔裂

厄寧執縛賊遠遁逃潛踪域滅青海番人謂

皇師奏凱三月之朔自我出師月哉生霸我行未久

我功聿多我功既多

天子攸嘉

天子嘉只曰

仁考所貽

仁考貽只予一人是綏乃爵乃賞乃告厥成薦諸郊

廟慶我太平

藉田頌

雍正二年二月癸亥

皇帝耕於藉田用四推之禮是日也天地和同風清

日明王公卿士百吏庶民僉曰休哉我

孟鄰堂文鈔卷十

皇躬執耒耜以先天下復度越往古加三推爲四甚

盛典也臣謹按古太平之時天子親耕以勸農業其

臣述而歌之周頌載芟之篇是也臣職在侍從敬撰

藉田詩一章以道我

皇上務本重農誠敬仁孝之至意詩曰

我

皇受命撫茲九有煦育羣生民恬物阜歲在執徐二

月初吉

皇念民依是勤是恤乃擇元辰稅于郊所用牲于壇

靈祇承宇八音既諧三獻既虔

皇忱既格懇于藉田厥田維何維禹之績有稻有黍有菽有稷

皇既至只山龍玉佩京尹進鞭司農奉耒彩旗揚只

糾笠從只應律禾詞銷玉鳴只

皇秉厥耒率時千耦四返四推蓋未嘗有在昔賢君

陳詩左右未若我

皇躬循隴畝亦有令辟一墾旋止未若我

皇三推未已曠古鉅典

皇克行之三農九穀

皇克生之

孟鄰堂文鈔卷十

皇殫仁孝致于郊廟

皇殫誠敬以教百姓雨暘時若庶彙豐登嘉禾華黍

天瑞之徵願

皇萬年與天無極永保斯民久久無斁

詣學頌

上在位二年三月乙亥朝親詣太學行釋奠之禮命

祭酒司業坐講大學尙書於彝倫堂

上親臨聽焉既講進諸生而諭之明道術崇化源也

臣椿伏思詩大雅文王有聲日鎬京辟廱自西自東

自南自北無思不服魯頌泮水日既作泮宮淮夷攸

服矯矯虎臣在泮獻猷明乎在辟應行禮則四方無不歸服而淮夷感化皆修泮宮之所致也今

上禮成太學而西戎羅卜藏丹金阿拉布坦鄂母布之屬相次削平捷書數日之間踵至臣椿謹倣古爲四言詩一章拜手稽首以獻

我

皇在位二載之春爰

詔有司大昕鼓徵乃蒞于阼乃登于堂乃吹乃萬乃裸乃將乃進諸生立于階下論道橫經聽無譁者念昔至聖爲萬世師追王五代于禮則宜惟彼儒先六

孟郊堂文

卷十

九

經羽翼祀典無文應秩靡忒載祠其先載爵其子祠有崇聖爵以博士侑侑諸生孔庶孔繁斂厥才藝進其德言斂之進之惟

皇以之藹藹吉人惟

皇使之尙靡者退務實者庸去彼浮僞成此淳龐淳龐成只風俗同只先哲崇只大道隆只爰有西戎未卽于敘負其遐險敢于予距帥臣將威敗之漠北絕塞而還以捷音告捷音來告文命誕敷文命誕敷如鼓與桴小臣稽首導揚

皇德作此頌詩以配史克

七政同宮頌

我

皇受天景命德洽萬方茲者雍正三年二月己巳朔越翼日庚午日月五星會於營室之次姬訾之宮蓋海宇昇平上下同心朝野一體之所致也我

皇讓弗受賀命告

景陵敕諭羣臣慎終如始純孝之思至誠之念昭格寓內臣竊聞周易云有大而能謙必豫我

皇德盛禮恭不以天瑞自居并云不敢自謙將上天申佑異瑞殊祥必有滋至而疊應者焉臣不勝懼忭

孟郊堂文

卷十

十

謹拜手稽首而爲之頌頌曰

二曜之英五行之精於燦其光以會於一方以瑞我

聖皇我

皇穆穆克讓克孝曰此瑞自天

聖祖所召貽我後人有此嘉祉余一人敢專惠我赤子爰告卿士及爾御事爾慎爾勤爾誠斯務以凝我庶績以遐我天祐孰瑞不矜惟我

皇兢兢孰安匪逸惟我

皇翼翼讓德于

親錫福于民凡百有位施教申申唯其教之天心篤

之道洽祥臻于符告之小臣載筆文字是職作此頌詩永示無極

河清頌

惟雍正四年冬十二月丙寅黃河自韓城以下至於桃源三千餘里間澄清者一月越明年正月河臣齊蘇勒嵇曾筠相繼以聞朝臣進表稱賀

皇帝若曰天貺朕躬惠以祉福皆

聖祖仁皇帝默佑所致朕事天如事親尙與爾諸臣一德一心以固天寵羣臣踴躍悚惕拜手稽首以退

臣椿謹伏而思之河者四瀆之宗上應天漢千年一

孟鄰堂文鈔

卷十 河清頌

十一

清聖人之大瑞也

皇帝宵旰勵精勤求治理故天降嘉祥不一而足今又錫茲殊瑞不以爲喜而乃以爲懼

皇帝受寵若驚嚴恭寅畏虔越古帝王遠甚臣敬備書其事爲頌詩一章頌曰

河源星宿其來萬里浩浩黃流莫知其涘遇大聖人湛然而清千載一見爲治世徵惟我

皇帝天縱之聖主敬存誠有感斯應天眷

皇帝洞察物理細大陳前靡不有紀天錫

皇帝河水瑩澈激濁揚清宣昭濬哲天眷

皇帝一道同風普施德教南朔西東天錫

皇帝河水波澄六合承流咸化潔清羣臣稽首

皇帝萬壽嘉瑞臻茲古未嘗有

皇帝曰咨朕心惕然敢曰貞符或怠以殷

聖祖在上陟降左右厥臨孔明我實我副惟實之副斯天庥之彰耀于千齡永永不忘

皇太后六旬萬壽頌

皇帝臨位十有六年海宇昇平人民安樂其冬十有一月二十有五恭逢

聖母太后六旬萬壽中外臣民踴躍歡欣詣

孟鄰堂文鈔

卷十

皇太后六旬萬壽頌

三

闕朝賀者以萬億計臣襄備員

禁近今幸隨耆老後際茲盛典不揣固陋謹倣古爲頌詩一章以道羣臣百姓齊願我

皇太后受天之祐如月之恆如日之升如南山之壽之意臣椿誠懼誠忭敬拜手稽首以獻

天啟

聖母篤生我

皇誕膺祚祿俾熾俾昌我

皇臺臺覆育煦嫗民欲民求是給是與民飽而翔視之如傷民煖而適念之弗釋僉曰樂哉我

皇不冒

皇曰俞哉

聖母攸敬

聖母在宮內治雖雖維茲赤子時厯于衷矧余一人
贊前之事敢不孜孜以承

親志內自邦畿外訖蠻貊十六年來風敦俗格爰啟
銅龍問安視膳入奉起居出侍游宴婉容愉色萬萬
承歡八珍六飲備極旨甘今茲至月欣逢

慈壽甲子初周陽春斯又黼黻高張光華雲日九奏
充庭鏘壠純繹小大稽首肅肅濟濟進萬年觴以介

孟鄰堂文

卷十

三

繁祉在昔太任文王之母維德之行邦國斯受亦越
太姒徵音是嗣有命自天綏以福履惟我

聖母與任姒合德惟我

聖皇文武以爲式璇闈燕喜孝思惟則願萬有千歲
眉壽無有極

天保九如頌

上御極之三年天不愛道地不愛寶諸福之物可致
之祥莫不畢至歲十一月館師某先生以天保九如
頌命某賦之某謹按天保之詩下報上也其言福祿
之單厚壽考之無疆並之於日月擬之於山川比之

於松栢可謂盛矣第四章曰吉蠲爲饌是用孝享禴
祠蒸嘗于公先王第五章曰民之質矣日用飲食羣
黎百姓徧爲爾德蓋推仁孝之美明福所由致也

皇帝受天景命郊社必親宗廟四時之祭必誠必敬
歲謁

景陵感泣悲涕孺慕之忱三年如一日也軫恤民隱
蠲賑四方動以數十萬計哀矜庶獄遴選刑官惟恐
匹夫匹婦不獲其所用能協和神人天休滋至罄宜
戢穀誠有如詩所云而某道盛德之形容歸美以報
其上者亦庶幾詩人之萬一云爾頌曰

孟鄰堂文

卷十

古

惟天隆隆厥視孔明惟天高高厥聞孔昭惟孝惟仁
天人之交以通我

皇克孝假于郊廟致敬存誠優焉色笑我

皇克仁惠我黎烝施舍已責任德緩刑天眷

皇孝錫以繁祉不益而崇不疏而濶繁祉之攸被天

眷

皇仁命之純嘏不傾而平不偏而溥純嘏之攸聚嘏
既純矣祉既繁矣惟此九如自天申矣小臣稽首頌

皇之祐願

皇萬年與天齊壽